

宋朝大詔令集

宋朝大詔令集卷第一百三十二

典禮十七

明堂九

八月月令

宣和二年八月朔皇帝御明堂總章以是月天運政治布告于天下
曰仲秋之月朔日己巳斗建酉日在翼昏箕中曉畢中癸酉白露得
是月之節日在翼昏斗中曉畢中鴻鴈來戊寅乙鳥歸癸未群鳥養
羞戊子秋分得是月之中氣日在軫昏斗中曉參中雷乃收聲甲午
蟄蟲坯戶是月也太陰居濕土之位凡二十日令同七月秋分交五
氣其氣少陽其位燥金其運大徵氣交之中其神天皇大尊其候畏
火臨暑復至其病溫其在大也宜順養收之道凡樂南呂為宮姑洗
為徵應鍾為商蕤賓為羽大呂為角凡味宜辛調宜用商以適其平

是月也朔告于廟上丁釋奠于先聖上戊釋奠于武成王秋分夕月于西郊祀晶昂祀壽星戊子祭社稷配以勾龍后稷擇日祀九宮貴神祭馬社祀寶成宮薦新于廟嘗麻與稻命官薦獻陵寢巡視禁地祀古帝玉逮其功臣是月也元成節朝謁神霄宮禁屠宰停奏大群監司致守令善最以開宴群臣于集英上貢會于郊給內外冬衣法寺斷獄或留獻朝廷封格季帳上之部省禁旅闕額請給季帳上之密院設漕會易薰市置移用起發之數開于戶部參選而應試若有戰功而願較武技者赴本部諸路夏賦畢輸常平錢穀視稅歛納諸軍始早晚教郡貳月視塘堤軍馬繫陰官地以是月上行春令則秋雨不降草木生榮行夏令則蟄蟲不藏五穀復生行冬令則風災數起收雷先行於殿而指天若恭授人時播告庶邦無替朕命

九月月令

宣和二年九月朔皇帝御明堂總章右个以是月天運政治布告于天下曰季秋之月朔日巳亥斗建成日在幹昏斗中曉井中水始涸甲辰寒露得是月之節日在角昏斗中曉井中鴻鴈來賓巳酉雀入大水化為蛤甲寅菊有黃華巳未霜降得是月之中氣日在亢昏斗中曉鬼中豺乃祭獸甲子草木黃落是月也天氣以急地氣以明其德清潔其化堅歆其運大徵燥金之位少陽臨之為光顯為彤雲為暍為飄風五氣之分大居允室其應草木蚤枯其病熱行於下治以辛寒佐以苦干以酸平之其在人也宜順養收之道逆之則冬為飡泄奉藏者少凡樂無射為宮仲呂為徵黃鍾為商林鍾為羽太簇為角調宜尚商以運其平是月也朔告于廟薦新辛亥親祀上帝于明堂配以神考大祠之日毋決重囚錫宴于園苑奉常視齋宮壇墼戶部上旁通圖策宗正宮玉牒修纂司農較三河留糧畿甸備河防維

錢預備彙結之直免比則有場務之令起納租稅則有賦役之令誠
駭弓弩則有軍器之令修治橋梁則有營繕之令馬政則有軍防廐
牧之令糴買則有倉庫之令圭田則有田令毋或違時行夏令則疾
多孰寔行冬令則地或隆圻行春令則人乃解惰於戲欽若天時誕
揚成憲惟爾萬方其遵承無致

十月月令

宣和二年十月朔皇帝御明堂平朔左个以是月天運政治布告于
天下曰孟冬之月朔日戊辰斗建亥日在氏昏女中曉柳中巳巳蟄
蟲咸俯甲戌立冬得是月之節水始冰日在氏昏女中曉星中巳郊
地始凍甲申雉入大水化為蜃巳丑小雪得是月之中氣虹藏不見
日在心昏危中曉張中甲午天氣上騰地氣下降陰氣始凝地氣始
閉盛德在水其帝顛帝其神元冥其音羽其數六是月也主氣陽明

燥金客氣少陽相火猶當五氣之餘治同九月小雪之後終氣始交
主氣太陽寒水其德凄滄其他清澁其政凝肅客氣陽明燥金其他
為清勁為收為霧露為悒鳴其氣相得無過不及達則少宮神則招
控其在人也宜順養藏之道去寒就溫無泄皮膚逆之則傷腎春為
痿厥羸生者少凡味宜甘其馮以鹹其補以苦陽明之客以酸補之
以辛馮之以苦泄之凡樂應鍾為宮蕤賓為徵大呂為商夷則為羽
夾鍾為角調宮尚羽以致其和是月也朔告于廟皇帝始裘錫裘服
于內外受來歲之祿而頒之甲戌祀黑帝祀龍德太一祀北方獄鎮
海瀆祀魁鼎祀行乙亥祀司中司命司民司祿丙戌祭神州地祇擇
日朝獻景靈宮給享薦享于廟薦新羞以鴈天寧節緩刑辟釋輕罪
食繫囚禁屠宰下元降聖天符節內外朝謁如儀毋決大辟禁屠宰有
羞是月也舉恤刑之典上封禪之數凡御筆手詔及寬恤若赦令書

而指之籍老疾貧弱非游惰者以持地惠上關額禁軍帳于憲司上
供金帛果輸內官具官馬季懷頌成卒春服休將城放役兵水官率
其屬以視河防力役分等注于籍橋梁道路畢修計度屯田墾染周
視畿內墾河以聞是月也農務畢然後受婚田之松第戶產之籍嚴
保伍之政申預買之數工師校弓弩以是月為則行春令則凍閉不
密行夏令則蟄蟲復生行秋令則雪霜不時於戲時惟陽月百穀用
成數告萬方其祇協于成憲

十一月月令

宣和二年十一月朔皇帝御明堂平朔以是月天運政治布告于天
下白仲冬之月斗建子朔日戊戌日在尾昏危中曉翼中己亥閉塞
而成冬乙巳大雪鷓鴣不鳴庚戌始虎交乙卯荔挺出庚申冬至蚯蚓
蚓結日在斗昏壁中曉角中乙丑麋角解是月也冰復地始拆人氣

在時萬物氣藏於中當順其化無擾于陽以應養藏之道逆之則春
為軌也冬至之前終氣惟初陽明燥奎居寒水之位為清勁為聖化
為霧露為煙埃為悽為冬至之後終氣惟中司地之氣其化在衆為
辛司氣為素間氣為清其運少宮其神太陰天氣以肅地氣以靜冷
氣暴至民病而嗽宜調土運以甘和之其化迺平九樂黃鍾為宮林
鍾為徵太簇為商南呂為羽姑洗為角調宜尚羽以順其分是月也
朔告于廟薦新蓋以詹日至祀昊天上帝祀寶鼎州長吏率儒
朝聖祖行奠謁之禮于學女決重辟釋輕罪天應節壬戌禁屠宰有
差丙辰祭馬步是月也刑人免令于市趣斷奏獄惠貧弱老疾減役
功停採造務逃配謹租賦給納較軍器度程第河防功限為三等籍
蠶蠶之數上封楮之帳修溝洫之政行夏令則氛霧盡冥雷乃發聲
行秋令則雨雪離下行春令則水泉減竭蟲蝗為敗於戲一陽來復

誕教訓典以迎天休惟爾庶邦祗承無斁

十二月月令

宣和二年十二月朔皇帝御明堂平朔右个以是月天運政治布告于天下曰季冬之月斗建丑朔日丁卯日在斗昏壁中曉角中庚午水泉動乙亥小寒鴈北鄉日在斗昏奎中曉亢中庚辰鵲始巢乙酉雉始雊庚寅大寒雞始乳日在女昏婁中曉氐中乙未征鳥厲疾是月也歲德在水人氣在腎太寒之前候猶終氣其位太陽其氣陽明其運少宮令與十一月同大寒之後辛丑初氣之分其位厥陰其氣風木其神地一其化初平地氣遠寒迺去風溫相薄犯之則為血溢筋絡拘強之疾九樂大呂為官夷則為徵夾鍾為商無射為羽仲呂為角音宜尚羽以致其平是月也朔告于廟薦新羞以魚丙戌臘享前一日祭太社大稷配以勾龍后稷大蜡四方納冰于凌陰享司寒

是月也貢士畢鼎璧廉奉常視壇壝及其器服登民數業民兵新繁
因籍罪辟覆計帳較工程堤坊道路橋梁各舉其政考常平之課第
勅農之績會內府金帛措路漕運若河渠功役以其實監司徧詣所
部際日大儺磔牲于南門之外行秋令則白露蚤降介蟲為妖行春
令則胎夭多傷人多痼疾行夏令則時雪不降水凍消釋於戾平在
朔易以成歲功咨爾萬方其率循毋怠

宣和三年正月月令

宣和三年正月朔皇帝御明堂青陽左个以是月天運政治布告
于天下曰孟春之月朔日丁酉日在女昏胃中曉房中庚子水澤
腹堅乙巳立春得是月之節斗建寅東風解凍日在虛昏昂中曉
張中辛亥蟄蟲始振丙辰魚上冰辛酉雨水得是月之中氣懶祭
魚日在危昏星中曉尾中是月也天氣始方地氣始發盛德在木

人氣在肝具帝太皞其神勾芒其色蒼其音角其政舒啓其令宣發
其德敦和其化生榮是月也厥陰之位氣為風木運為少羽太陰正
位土室天符合德其應雲雨昏埃人氣條舒風溫相薄犯之則為血
溢拘強之疾宜調風木之客以酸寓之凡樂大簇為宮南呂為徵姑
洗為商應鍾為羽蕤賓為角音宜尚角以順其時是月也朔告于廟
頒歲運于天下命有司擇萊禮先聖辛丑祈穀于上帝紀以太宗祀
感生帝配以侑祖立春祀青帝采太一東方嶽鎮海濱牡鼎司命戶
州縣以土牛示農時癸丑祀風師卜日薦享于廟朝獻于宮薦新以
詩以卯宗籥上度系錄大比天下士宗子若選吏部應試者咸附監
司郡守舉勅農之詔凡寬恤及赦令咸使周知勅令格式有所增易
者錄目遍下祭囚禁所獄矜逃配役工申伐木之禁舉埋瘞之令仁
政所加毋或不同濬治郡城溝洫補植隄防榆柳總常平之用約畧

糧之費止封格之恨給豫買之直閱諸將兵騎會諸河漕運數戶口
登耗考催科勤惰較場務增虧計屯田租課興水利除盜賊成以實
聞籍上貢考上供治橋梁按弓弩命開封申酒禁司門謹禁察望戶
燎燈非外門毋闕凡舟舡守凍者以是月悉發倉庠羅買河師輸納
以是月止行夏令則雨水不時草木蚤落行秋令則風雨愆至藜莠
蒿蓬並興行冬令則水潦為敗霜雪大至首種不入於戲奉若天道
欽授氏時惟惟厥初乃克有成敷告萬方其祇承無斁

宣和三年歲運

宣和三年正月朔皇帝御明堂青陽左个以是歲氣運頒布于天下
皇帝若曰天地設位聖人成能治麻以明時對時以育物精神之運
上下同流朕稽謀自天建用皇極嘉與萬邦底于大順今歲在辛丑
其運少羽元天之氣經于張翼太陰司天左少陽右少陰太陽司地

左厥陰右陽明濕寒合德上應辰鎮歲水不及紀田潤流以所不及
加同歲會歲乃遠平宜為靜順歲而勿害靜順之紀五化咸整其氣
明其令寒其用沃衍其化凝堅其穀豆其果栗其蟲鱗其畜犴其色
黑其味鹹其音羽其數六厥陰少陰太陰少陽陽明太陽為歲中六
氣少羽少角太簇少宮太商為歲中五運羽化五寒化一為正化之
日保蟲靜鱗蟲育羽蟲不成為動物之化歲牛以肅太陰主之其化
以濕歲半以後太陽主之其化以鹹初之氣自斗建丑正至卯之中
風木之位厥陰居之其化風二之氣自斗是卯正至巳之中大火之
位少陰居之其化暄溫三之氣自斗建巳正至未之中相火之位太
陰居之其化溫熱四之氣自斗建未正至酉之中濕土之位少陽居
之其化溽暑五之氣自斗建酉正至亥之中燥金之位陽明居之其
化清燥終之氣自斗建亥正至丑之中寒水之位太陽居之其化寒

藥食之宜先苦熱中苦和下苦熱食歲穀以全其真食間穀以保其精折其鬱氣蓋其歲氣無使邪勝是謂和平稟茲獻告其欽承無斁

二月月令

宣和三年二月朔皇帝御明堂青陽以是月天運政治布告于天下曰仲春之月朔日丙寅日在室昏箕中曉尾中鴻雁來辛未草木萌動丙子驚蟄斗建卯始得是月之節日在室昏井冲曉尾中桃始華辛巳倉庚鳴丙戌鷹化為鳩辛卯春分得是月之中氣日在奎昏井中曉箕中乙鳥至是月也初氣之分其位厥陰其氣風木其運少羽為和平為風掠為撓動其變為飄怒大涼春分交二氣之分其位少陰其氣大火其運少角為風埃為蒸濕雨迺時降凡味春分之前以酸瀉之以辛補之春分之後以甘瀉之以鹹補之凡樂夾鍾為宮無射為徵仲呂為商黃鍾為羽林鍾為角調宜尚角以順其平是月也

朔告于廟上丁釋奠先聖上戊祀武成王戊子祭大社稷大配以均
龍后稷乙亥皇帝率公卿大夫躬耕帝籍享先農辛卯朝日祀高禩
蒼鼎司寒擇良日記九宮貴神五龍馬祖歷代帝王薦獻諸陵視禁
地薦新于寢廟以冰真元節朝謁建隆視禁屠宰是月也上考課賑
貧乏頒時藥錫春服于內外驗戶口增虧較軍器功程上封樁保甲
之帳謹受納暴糧之期會條枚葉結之輸修河塘柳榆之政毋受田
訟毋留逋逃毋燒原野毋捕鳥獸毋殺胎卵行秩令則大水寒氣總
至行冬令則陽氣不勝麥乃不熟行夏令則暖氣早來蟲螟為害於
歲平秩東作時惟仲春惟爾萬方其率遵成憲

宋朝大詔令集卷第一百三十三

典禮十八

明堂一

三月月令

宣和三年三月朔皇帝御明堂青陽右个以是月天運政治布告于天下曰季春之月朔日丙申日在奎昏井中曉箕中雷乃發聲辛丑始電丙午清明得二月之節日在奎昏柳中曉斗中昴始華辛亥田鼠化為鴛丙辰虹始見壬戌穀雨得是月之中氣萍始生日在胃昏張中曉斗是月也其位少陰其氣大火為暄為舒榮為形為熟生然其運少羽主歲太陰濕而熱蒸寒生雨閏乙巳運交少角其應風埃濕蒸相薄雨暘時其變為大暄寒其病瘟厲九味以甘厲之以鹹補之九樂姑洗為宮應鍾為徵蕤賓為商文呂為羽夷則為角調宜尚角

以順其開是月也朔告于廟薦新丁巳享先蠶命太常視齋宮壇墼
上巳宴群臣于苑囿選日大宴集英寒食禁刑遣官朝陵清明以新
火賜近臣士或禁屠宰是月也臨軒策士攷其刑藝而官使之州縣
縣訟無妨農功允登士貢具歲帳給軍裝市糧草課都城場務備諸
河材費若會馬數及其瘠牧之事以是月為限惠貧乏杖吏稽記帛
幣囊戶口抱接店之入攢上供之數以是月終畢考察案賞罰第田
田課增虧修隄防具兵帳各如其命行冬令則寒氣時發草本皆肅
行夏令則民多疾疫時雨不降行秋令則天多沉陰淫雨早降於戲
惟春之祺欽若時憲咨爾有衆其克遵承

四月月令

宣和三年四月朔皇帝御明堂左个以是月天運政治布告于天下
曰孟夏之月朔日乙丑日在胃昏張中曉斗中丁卯鳴鳩拂其羽壬

中戴勝降于桑丁丑立夏始得是月之節日在昴昏翼中曉牛中螻
蝻鳴壬午蚯蚓出丁亥王瓜生壬辰小滿得是月中氣日在畢昏軫
中曉女中苦菜秀是月也天氣止地氣發小滿之前其位少陰其氣
大火其神居基為暄為熱濕蒸相薄雨短時降小滿之後其位相火
其氣太陰其運少角為風埃為晦冥其變為驟注風烈其病腫雷痞
隔元味以甘寓之以鹹收之凡樂仲呂為宮黃鍾為徵林鍾為商太
簇為羽南呂為角調宜尚徵以順其化是月也朔告于廟立夏祀赤
帝熒惑中太一南方獄鎮海清是昴窳卜日朝獻景靈宮已卯薦享
于太廟薦新蓋以擬嘗來甲中祀雷師雨師辛卯雩祀昊天上帝配
以太宗天祺節內外朝謁如儀緩刑辟舉寬恤嚴盜鑄頒夏藥藉軍
器鍾伐水之禁申補蝗之令起田賦修馬政視河防督上供造稅帳
聽民訴皆以是月為限行秋令則苦雨修來行冬令則草木早枯行

春令則暴風來格秀草不實於戩純陽用事百物阜安糾時典常其
循率無怠

五月月令

宣和三年五月朔皇帝御明堂以是月天運政治布告于天下曰仲
夏之月朔日甲午日在畢昏軫中曉星中丁酉靡草死士寅小暑丁
未芒種得長月之節螳螂生日在參昏星中曉厓中士子鳴始鳴丁
巳反古無聲壬戌得九月中氣鹿角解日在井昏亢中曉危中是月
也位少陽其氣太陰其運少角為暑為頸為茂為明其變為沉陰為
埃昏為濕為雷霆雨乃時降其病附腫腹滿九味宜以苦瀉之凡
樂稔賓為宮大呂為徵夷則為商夾鍾為羽無射為角調宜尚徵以
致其平是月也朔告于廟薦新嘗維以黍羞以介日至祭后土皇地
祇于方澤配以太祖祭彤禹籍田登麥寧既節宰臣率百官朝謁上

清儲祥官州長吏率屬朝聖祖殿緩刑禁屠詔日中毋行刑毋令人
于市命卽官郵史督遣中都繫囚使者分趣所部都省促奏贖大理
畢疑讞九獄之具疏滌以時是月也始督夏賦給紉之官毋或離次
頒時服第軍賜減役功停採造葭河橋視塘隄總封椿之教嚴糴買
之期諸軍晨閱以是月為始行冬令則電凍傷穀行春令則五穀晚
熟行秋令則草木零落於戲向明而治仰承天休惟爾萬邦其率時
猷訓

閏五月月令

宣和三年閏五月朔皇帝御明堂門闈左扉以是月天運政治布告
于天下曰仲夏閏月斗建午未之間朔日甲子日在井昏亢中曉室
中丁卯蠲始鳴葵酉半夏生戌寅小暑溫風至得六月之節癸未蟥
蟀居壁戊子鷹乃學習是月也其化炎燥其令糞薰土居相火之位為

赤雲為濕生為注雨其病下熱滿口味以苦瀉之以甘緩之九樂
饗賓為宮夫呂為徵夷則為商夾鐘為羽無射為角調宜尚徵以致
其平是月也朔告于廟擇日祭先收祀帝禹祀黃帝中歲中填中雷
官吏理考拔當許息田訛辰期如令給軍馬較場務成以所附月為
政行冬令則電凜傷穀行春令則五穀晚熟行秋令則草木零落於
殿定時成歲庶績其凝咨爾萬方祇協予訓

六月月令

宣和三年六月朔皇帝御明堂右人以是月天運政治布告于天下
曰季夏之月朔日癸巳日在柳昏心中曉奎中大暑腐草化為螢戊戌
土潤溽暑癸卯大雨時行戊申立秋涼風至日在星昏尾中曉婁中
癸丑白露降戊午寒蟬鳴是月也其運太徵大暑之前太陰司之大
暑之後太陽司之濕土主治少陽表居為鬱蒸為炎燥為雷電雲

雨其病煩熱凡味宜若補之以鹹凡樂林鍾為宮太簇為徵南呂為
商姑洗為羽應鍾為角調宜尚徵以致其年是月也朔告于廟薦新
羞以菱芡立秋祀白帝西太一西方嶽鎮海瀆車鼎門厲丙辰祀靈
星天貺節宰臣率百官朝謁景靈宮即長吏率其屬朝聖祖緩刑辟
釋輕罪伏日頒米壬戌禁屠是司也促斷奏牘檢治因囚凡獄其五
日一濯日中毋行刑無令人于市是月也上版籍會儲時幾財貨紓
工程奉常視齊宮壇燹度支考國信禮物司金趨輸納成均計調度
揭鼓鑄之法嚴守禦之具繕器甲除盜賊覈衆課較推酷市馬芻按
營房有司遵奉條詔謹案津梁若試胥吏定衙役具坑冶之慢修塘
隄之政因或不共行春令則穀實解落國多風歎行秋令則却隰水
潦未極不熟行冬令則風寒不時鷹隼蚤擊於戲欽若昊天時惟長
養其懋乃職克威厥功

七月月令

宣和三年七月朔皇帝御明堂總章左个以是月天運政治布告于天下曰孟秋之月朔日癸亥日在張昏箕中晚月中得是月中氣處暑鷹乃祭鳥戊辰天地始肅癸酉木乃登戊寅白露降鴻雁來得八月節日在翼昏斗中曉軍中甲申乙鳥歸己丑群鳥養羞是月也盛德在金其帝少皞其神蓐收其色白其音商其數九是月也天氣以急地氣以明戊辰之前其運太徵己巳之後其運少宮其應澤蒸霖雨時作其病為瘡甚則附腫凡味宜苦以鹹補之凡樂夷則為宮夾鍾為徵無射為商仲呂為羽黃鍾為角調宜尚商以順其時是月也朔告于廟中尤節朝獻靈景宮卜日薦享薦新嘗粟與稷蓋以棗梨先天節宰臣率百官朝謁天興殿州長吏率百屬朝聖祖禁屠緩刑有差是月也趣斷獄決繫囚日中毋行刑毋令罪人于市舉勸農之

詔備河塘之防修園苑之貢謹程納之令允寬恤詒條若法令之有
增損者皆隸本下之封樁上供軍器廐馬之數與坑冶財貨皆上其
籍是月也度支約歲用吏部攷高居申推酷之制揭盜鑄之禁紆工
程寬教閱盡是月止行冬令則寒氣大勝行春令則五穀無實行夏
令則寒熱不節民多瘡疾於殿憲天聰明惟臣欽若各懋乃情用協
于成

八月月令

宣和三年八月朔皇帝御明堂總章以是月天運政治布告于天下
曰仲秋之月朔日癸巳日在艮昏斗中曉參中甲午秋分雷乃收聲
得是月中氣己亥蟄蟲坯戶甲辰水始涸己酉寒露鴻鴝來得九月
節日在角昏斗中曉井中甲寅雀入水化為蛤己未蒞有黃華是月
月秋分之前其位濕土其氣相火秋分之後其位燥金其氣陽明其

運少宮天氣潔地氣明為涼為清為勁為緊故其應霧露早霜其病燥煩咽乾凡味宜辛以酸補之凡樂南呂為宮姑洗為徵應鍾為商蕤賓為羽大呂為角調宜尚商以致其平是月也朔告于廟薦新嘗麻與楸上丁釋奠文宣王上戊祀武成王秋分夕月祀晶禹壽星戊戌祭社稷配以勾龍后稷戊申祀九宮貴人祭馬社祀寶成宮薦獻陵寢按禁地祀歷代帝王暨功臣元成節朝謁神霄宮緩刑禁屠擇日燕群臣于集英是月也促斷獄給冬衣謹常平之政嚴課績之法試選吏解武士考封樞會士貢修庠牧之政其芻蕘之直司金穀內帑之入度支舉和買之數天農計科納屯田稅墾隄夏賦畢輸諸軍晚教自是月始行春令則秋雨不降行夏令則蟄蟲不藏行冬令則收雷先行於戲奉若天道平秩西成各勉有功欽于時憲

九月月令

宣和三年九月朔皇帝御明堂總章右个以是月天運政治布告于天下曰季秋之月朔日壬戌日在亢春牛中曉并中甲子霜降得是月中氣射乃祭獸己巳草木黃落甲戌蟄蟲咸俯己卯立冬水始冰日在氐昏女中曉星中甲申地始凍庚寅雉入大水化為蜃是月也其位燥金其氣陽明立冬之前其運少宮立冬之後其運太商為京為清為勁肅為收成為明潔其病欬逆滿痛九味宜辛以酸補之九樂無射為宮仲呂為徵黃鍾為商林鍾為羽太簇為角宜尚少商以致其平是月也朔告于廟薦新嘗菽羞以兔栗卜吉親祠上帝于明堂配以神考立冬祀黑帝祀龍德太一祀北方嶽鎮海瀆祀魁鼎祀行丁亥祀司中司命司民司祿壬戌禁屠是月也宴群臣丁園苑奉常視祠壇宗正纂屬籍修橋梁試弓弩耜田令攷馬政上常平之數舉糴買之令較漕運按塘堤行夏令則疾多甄噉行冬令則地或隆圻

行春令則民氣解惰於戲對時育物百穀用成咨爾多方其率循彝
憲無斁

十月月令

宣和三年十月朔皇帝御明堂平朔左个以是月天運政治布告于
天下曰孟冬之月斗建亥朔日壬辰日在心昏虛中曉張中乙未小
雪得是月中氣虹藏不見庚子天氣上騰地氣下降乙巳閉塞而成
冬庚戌大雪得十一月節日在尾昏室中曉翼中鶡鴠不鳴乙卯虎
始交庚申荔挺出是月也盛德在水其帝顓帝其神元冥其音羽其
數六其色黑小雪之前其位燥金其氣陽明小雪之後其位寒水其
氣太陽其運太商為凜為肅為靜為藏化為周密其應冰雪寒冱其
病腰足暝兀味宜鹹以苦補之凡樂應鍾為宮蕤賓為做大呂為商
夷則為羽夾鍾為角調宜尚羽以致其平是月也朔告于廟皇帝始

表頒服于內受來歲之麻頒之天下甲午祭神州地祇擇日朝獻景靈宮薦享于廟薦新羞以屬天寧節禁屠緩刑釋輕罪下元降聖天符節朝謁如儀是月也詔諸條畢供輸惠覺獨閱保伍飭恤刑之典舉休役之令第氏產受曰訟習守禦會封楨按陝防視塘梁導溝恤成橋梁致廐馬季帳給戍卒春衣揭鼓鑄之法計預買之數九較弓弩以是月為準行春令則凍閉不衣行夏令則蟄蟲復出行秋令則雪霜不時於戲時惟陽明錫福庶民飲爾攸司率循無怠

十一月月令

宣和三年十一月朔皇帝御明堂平明以是月天運政治布告于天下曰仲冬之月斗建子朔日壬戌日在箕昏室中晚軫中乙丑冬至日在斗昏室中曉角中蚯蚓結庚午麋角解乙亥水泉動庚辰小寒鴈北鄉得十二月節日在斗昏奎中曉亢中乙酉鵲始巢庚寅野鷄

始雖是月也其運太商客氣太陽居寒水之位為凜冽為淒滄為清
溫寒與濕化霜積陰凝其應堅冰寒零其中為溫其病痞滿寒熱以
苦補之以醎馬之九樂黃鍾為宮林鍾為徵太簇為商南呂為羽姑
洗為角調宜尚羽以致其平是月也朔告于廟薦新羞以膾日至祀
昊天玉皇上帝祀寶鼎州長吏率屬朝聖祖母決重辟釋輕罪天應
節壬戌歲刑禁屠如今戊辰祭馬祖是月也促斷撤遣繫囚免刑人
之當令于市者謹給納之令上封樁之籍寬工作之程弛採伐之課
賑貧乏卹老疾校軍匠親河防行夏令則氛霧晝冥行秋令則雨雪
雜下行春令則水泉咸竭於戲陽德惟亨天休滋至各守爾典聽予
一人作猷

十二月月令

宣和三年十二月朔皇帝御明堂平朔右个以是月天運政治布告

于天下曰季冬之月斗建丑朔日辛卯日在斗昏婁中曉氐中乙未
大寒得是月之中氣雞始乳日在女昏婁中曉氐中辛丑鷺鳥屬疾
丙午水澤腹堅辛亥立春東風解凍得正月節日在辰虛昂中曉心
中丙辰蟄蟲始振是月也大寒以前候猶終氣其運太商客氣太陽
居寒水之位令與十二月同大寒以後交壬寅初氣其運大角其位
風木其氣少陰為風為陰雨其病脾胃以酸瀉之以辛補之凡樂大
呂為宮夷則為徵夾鍾為商無射為羽仲呂為角朔宜尚羽以順其
時是月也朔告于廟薦新羞以魚戊戌臘享祭大社大禮大蜡四方
享司寒納冰于凌陰立春祀青帝東太一東方嶽鎮海瀆牡馬司命
戶癸丑祀風師是月也登民教上計赦促獄漕運監司徧歷所部
攷常平勸農之課以聞是月也成均校行藝奉常視壇壝覈內帑之
入奏大辟之數閱上程籍民兵會儲峙恤鰥寡按塘濠謹津梁除日

大雩磔牲于南門之外行秋令則白露蚤降行春令則胎夭多傷行
夏令則冰凍滴釋於戲星回于天平在朔易各恭乃事克成厥終

宋朝大詔令集卷第一百三十三

宋朝天詔令集卷第一百三十四

典禮十九

籍田

有事東郊籍田詔 嘉熙四年九月辛丑

王者上事昊穹下臨黎獻遵執古御今之道推愛民育物之心必務稽以勸分庶家給而人足朕嗣守大寶惟懷永圖發一言必念生靈嘗一膳必思稼穡雖燔柴告類紫壇屢薦於至誠而執耒親耕青輅未行於盛禮敦本之道不其闕歟三推宜舉於舊章百代永垂於信史其以來年正月擇日有事於東郊籍田之禮宜令有司詳定儀注以聞無至煩勞務遵典故

來年耕籍皇太后恭謝太廟御札

明道元年十一月庚子

庶政之本先於農五禮之經重於祭所以淳化阜俗昭孝息民致理

之原率由茲道朕荷上靈之眷冰列聖之休屢講郊禋之儀未躬耕籍之事今欲述神宗之茂憲舉先穡之精祠申命仗司因時辰秉豈太后大恢聖則夙夜匪躬于茲十年克成玉禁而未嘗親見太室奉陳嘉牲况室寢之聲新加麻元之更始宜修濶禮用戒先期朕取米年二月擇日耕籍田先請皇太后恭謝宗廟來年冬至更不行南郊之禮其合行恩賞並禮畢施行仍令有司革具儀制以聞務循典故毋致煩勞

雍正五年耕籍改端拱元年赦天下制 正月乙亥

門下握圖御極膺駁命於元穹務勸勸農示至誠於天下朕躬臨大寶十有三年冀冀小心孜孜求理時豈歲拾囊區雖致於升平肝食宵衣夙夜敢忘於稅業車書既混邊塞無虞異畝同穎之木屢編於簡冊一茅三脊之貢尚抑於典章匪涼德之使然蓋上帝之垂祐是

以振前王之闕典修耕藉之盛儀載陟青壇肅事接神之禮躬推黛
貂用恢教本之風寧惟奉春祐於乾坤兼亦備策威於宗廟萬國來
庭而述職予官景從以拱辰望宮闕域社之尊瞻聲明文物之盛豈
予眇末獨荷於丕休思與華夷同均於大慶特改紀年之號宜尊作
解之恩可大赦天下改雍熙五年為端拱元年云云於戲舉歷代難
行之事已煥鴻猷輔昌朝不拔之基良資盡瘁况煙塵弭息億兆阜
亦更賴中外蓋臣文武有位交修庶政共泰吾民勿使比屋可封獨
推於免刑措不用但紀於成康凡在生靈體予茲意

明道二年籍田赦天下制

門下王者控機御極負宸凝神教德意以洽民心聞文明而化天下
必舉非常之典用宣以順之風矧在眇躬幸臨繇寓欽承皇統每勵
精心尊奉母儀收忘要道勤勞一紀底定萬邦莫由穹昊降康宗枋

錫美干戈不試馴致鴻均憲度式彰允臻嘉靖復以陽郊嚴配既屢表於孝思儲駕躬耕尚未遵於祖則是用秩開元之通事述端拱之舊章必祀農壇親臨帝籍六卿執耒而陪侍人士側肩而聳觀予以荷靈休予以勑力穡載念慈闈垂訓涼德承顏素依保佑之仁克紹延鴻之祚由是請祇見於清廟先昭謝於成功鑿輅雲行纓紳星列陳禁衛之萬騎飭宮掖之六車圭瓚告虔輦行役獻樂崇九奏禮恪三犧寧惟薦飲食之必芬抑亦示威容之祿盛上儀交舉純嘏是膺爰仰應門特頒明制感神人之協贊致華夏之同歡宜渾靈帝之恩庶浹豈融之祉可大赦天下云云於戲禮成內外屬四方平泰之期澤布遐邇應一氣發生之序恭已常循於舜治亦民深切於堯心更賴蓋臣共致至化茂宣忠力永輔帝國

宋朝大詔令集卷第一百三十四

宋朝大詔令集卷第一百三十五

典禮

天神上

封翊聖將軍詔 太平興國六年十一月壬戌

太平宮神稟命上元降靈下土苾芬致薦貯蠶有開庀我蒸民屢垂景貺宜加美號用答神休其封神為翊聖將軍

列子追號冲虛至德真人詔 景德四年二月乙亥

先王御極萬類宅心允資衆妙之言以助無為之化冲虛真人列子凝神顛素疏質希夷隱跡忘懷著書見志蓋將謂軼世之達士上古之至人謄言鄉舊實有道廟式旌茂躅俾薦強名宜追號冲虛至德真人

別建壇享九宮貴神詔 大中祥符元年八月庚寅

九宮之神所職尤重財成元化陰陽下民始於有唐乃崇示典乘興親享方冊具存爰自近年復舉明制益其牢弊升為大祀今禮屬建封義資咸秩惟介邱之從祭在列位以無文所宜俯通盛宗別興壇墀式照寅奉率致必分將來封祀宜別擇地建壇致享

上九天司命上卿保生天尊號詔

大中祥符元年十月辛亥

上卿九天司命真君幽積高穹財成元化掌群生之命麻真岳岳之靈區屬封祀之告虔類紫虛之降鑿載瞻珍館率薦明誠爰舉徽章用神昭報宜尊懿號曰九天命司上卿保生天尊設像於會真宮別殿委道錄院具科儀以聞仍令給事中馮起詣舒州靈仙觀祭告

尊青帝感生真君詔

大中祥符元年十月辛亥

名岳配天乃衆生之推長盛德在木實品物之資生惟真宰之攸司蓋靈篇之具紀珍祠夙建方志可稽爰屬時巡式瞻神館載揚景貺

祇奉徽名用表欽崇永綏福祉宜尊青帝真君懿號曰青帝感生真君

公私文字言玉皇者並須平闕詔 大中祥符二年四月癸卯

朕欽崇至道保乂蒸民荷春祐以錫符思寅恭而昭事恭以玉皇正位霄極居尊茂育群生照臨下土稽禮文之所著固嚴奉以有常爰申教誠之文庶盡精虔之懇今後公私文字中有言玉皇者並須平闕

奉天庇民詔 大中祥符三年二月己巳

王者止承天下佑民俾乎無思不服有祈必應故在罄誠明而勿貳守典則以靡忘然後感動於三靈保乂於兆姓而况邦之大事在乎撫神苟或接神而不恭何以為民而祈福國家神明之佑彰乎在者祭祀之禮所宜曲盡而自太祖受命太宗繼文每奉郊禋皆却葷

茲舉典禮之所未載臨人情之所甚難既云洗心亦以勵意由是受
茲純嘏保乎會昌暨予冲人敢違先訓三祀上帝一乃至虔但以事
處內庭理絕外聽故行之雖久而聞之蓋寡前載祇受祕檢恭陟岱
宗始自戒途即從蔬食而大臣極諫庶尹抗章忠賢事君之誠於斯
備矣京德事天之意其可已哉迄于上封未之廢情由斯精感允格
繁禋今者祇祀后祇率循曩志乃眷公輔屢貢箴規雖其意之可嘉
蓋其理則未達朕于育黎庶毋事坤元將令民獲其康兵弭其患雖
以身薦亦所無避成湯上聖且有前爪之勤矧在朕躬豈甘玉食之
美恭祈丕應固已確然但慮官師暨天羽衛咸思勉勵並絕鮮肥道
路縣長筋力虔匱即期自抑庶以利人警蹕之初止進常膳湮澗已
往普守夙心惡祀既成膳羞乃御雖復王公卿士孜孜為請亦不能

聖祖降大教 大中祥符五年十月己未

門下衆妙之宗蘊道樞而斯秘非常之應稽天眷以有事重絕於前開理克彰於合契洪惟偉兆寶煥祥經朕猥以眇冲嗣承基構荷九濤之眷命遵二聖之詒謀不敢怠皇粗臻嘉靖頃以上真告祝秘檢垂文祇膺元命之符中錫無疆之祚開歲之內盛典交修秩衆祀以威甄感靈心之允荅彌懷惕厲愈務欽崇而穹昊頤懷不忘於涼德神祇鑒燭荐發於休祥粵以冬初警於宵夢戒先期而誕告約真馭以丁臨宿設靈場仰祈洪應果於穀旦肅奉辟儀仙霧鬱葱異香谷郁衆真列侍寶訓躬聞示基緒長發之源見希夷交感之盛久留高禁修返虛無惟瑞異之親逢曠古今而罕記載循寡昧矣以奉詠蓋祖宗在天永錫爾類而雷雨作解思及於民用均純嘏之休普洽厖鴻之慶可大赦天下云云於戲至神善應既本於無方王澤誕敷

俾周於有截匪獨存予之慶式均典物之春內省菲躬荷茲殊貺彌
增抑畏罔敢荒寧更賴文武蓋臣中外列辟共欽元告各勵乃誠叶
宣永圖同底于道

上聖祖尊號制 大中祥符五年十月己巳

先天者大道摠衆妙以為宗無方者至神感精衷而斯應朕嗣守丕
業惕厲一心祇荷殊休紹膺秘檢奉符云岱報本淮雖祕祀交修鴻
儀克舉凌軌既積顧誕非常遠奉真遊仰闡諄誨啓洪源於古始隆
多祚於本支永惟長發之祥敢罄歸尊之志虔遵寶訓幸薦徽名咨
爾有司肅揚令典謹上九天司命保生天尊聖祖上靈高道九天司
命保生天尊大帝擇日恪禮奉冊

聖祖降告謝太廟詔 大中祥符五年閏十月丁卯

上穹降祐真馭下臨親奉聖言遊知遐宵顧眇冲之蒙祉蓋宗社之

儲休式達至誠聿昭皇命朕以今月七日詣太廟行告謝之禮宜令所司詳定儀典

上元天大聖后號詔

大中祥符五年閏十月己亥

大道之始實本於混元二儀之生肇從於太極伊先天之孕粹由大電以發祥靈感誕昭仙源斯啓進崇祖德已煥於徽章欽奉母儀敢宣於慈教恭薦隆號式達至虔謹奉上聖祖母懿號曰元天大聖后聖祖名易其字詔大中祥符五年十一月壬寅

前詔公私文字不得干犯聖祖名宜令逐處隨宜改易其上偶仙道事即曰真顏色曰默下字曰明臨文取意速即改避違者坐之

奉安聖像訖曲赦東京建安軍揚州高却軍楚泗宿亳應天府減降制大中祥符六年五月

門下國家重熙鼎盛席慶善之鴻基百祿惟新承穹昊之普錫爰自

絲匣底定寶籙存珠叶千載之昌辰舉一王之茂典肇營恭館式耀
丕圖偉嘉會以元亨荷大靈之昭格昔者九龍垂馭啓道德之仙源
五老告期顯唐虞之瑞命天人交應古今同符昨以鍊楚越之良金
法紫清之妙像肅陳仗衛迎致國都榮觀焜煌歎呼涕涌上真高聖
凝一氣之殊姿英祖神宗儼重瞳之粹質屬朝修之禮畢罄恪謹之
誠深動色相趨降祥允集宅靈秘宇永申樂奉之儀賜福群倫宜霈
覃延之澤可赦自大中祥符六年五月十六日昧爽已前應東京建
安軍揚州高郵軍楚泗宿亳州應天府見禁罪人云云於戲昭事上
帝惟懷永圖克已彌恭務守盈成之業保民在念庶躋仁壽之區更
資碩德之臣叶贊承平之治咨爾中外體予意焉

加上東嶽司命上卿佑聖真君詔 大中祥符六年七月甲午

鬱蒼之岳實主於發生惚恍之靈蓋司於統治夙昭善應常佑丕圖

頃屬升中之儀時申旌德之命近者欽聞寶誥示鴻源恭念發祥
早承於茂緒永惟尊祖增屬於敬稱瞻彼介邱紀茲仙籍宜別崇於
嘉號庶益洽於純禧謹加上九天司命上卿保生天尊曰東嶽司命
上卿佑聖真君

答群臣請祠亳州太清宫表詔 大中祥符六月七月丁巳

渦水名區伯陽魯里前王欽奉緝禮其存願省眇躬敢忘繼志眷言
守長迨及士民遠貢露章來趨魏闕類遵舊制展禮倦祠庶符順勤
之文深鑿俟來之懇卿等樂聞興頌旅拜封章省覽嘉稱不忘予意
所奏知

上太上老君混元上德皇帝聖號制 大中祥符六年

八月庚午

二儀剖判實本於洪濛萬化弛張奉宗於清淨蓋體色於群有遂功
冠於三才洪惟教父之尊克惣帝先之妙洞希夷之橐與挺三千之

純精自升降於靈區乃慶流於遠裔顧循菲德夙慕真風永宵享之
眷懷恢祖宗之緒業元符錫祚荐披黃紫之又志祀潔誠屢展煙燭
之劑丹輿來怡寶訓昭垂此皆上帝之所降東至真之所敷佑載懷
道蔭敢忘寅威旋筋庶上考儀往冊俾涓吉序仰達純誠重念遐福
是膺殿章可舉雖冲虛不宰固純於強名而時禦無方豈忘於昭事
式隆稱謂以極推崇謹奉上真元皇帝聖號曰太上老君混元上德
皇帝擇日備禮奉冊

自離京至奉祀不舉樂所經州縣無令樂人迎候詔

大中祥符六年

十月
乙丑

朕款謁靈宮虔修真祀享獻之禮脩考於典章警蹕所經務從於嚴
肅屏茲聲樂庶極齋明朕自離京至奉祀以前不舉樂所經州縣無

太上老君混元上德皇帝冊文大中祥符七年正月戊申

嗣天子臣諱諒再拜稽首言伏以先天地母萬物大道強名而混成一希夷摠衆妙元聖無私而獨運肆結繩之上世逮凝旒之應期必敷清淨之風乃洽醇熙之化伏惟太上元元皇帝神凝氣祖粹蘊帝先絕學以闡真宗襲明而開道奧聖母發祥於夢日宣居興嘆於猶龍徽言闡幽大象垂教二儀長久本清寧而不居兆庶衆康資恬淡而無欲貢出萬古式是百王天付烝民運興有宋烈祖之開創神宗之治平率慈儉為永圖遵樸素為常度鍾長發稷及眇躬寶籙歲穰惟新於先命玉音昭晰親遺於神期論皇世之有開示高真之幽贊上帝克享妙本足依仰上靈區度仲順拜周爰徽稱益表欽崇天恍惚無形生三為太茲之謂混元淵默守中吹萬自化茲之謂上德雖善貸常存於不有而可名恭薦於至誠謹遣構太尉右僕射兼門下

侍郎平章事王旦奉玉冊玉寶止殿號曰太上老君混元上德皇帝
伏以因大成而曲全循尊道而貴德儲祉善建保鴻基之配天降鑿勤
行佑冲人之治國萬方富壽世祚十億愛養蒸黎永永無極諫言

曲赦毫刑及所過諸縣流罪以下制同上

門下朕當畏天明納懷道陰思答延洪之祉敢忘欽翼之誠經始嘉
壇將爲馨於陽位瞻言福壤實接畛於都畿惟金闕之誕靈宅琳宮
而有素順風款謁方在於詢謀比屋僕來屢形於勤請靡辭持遇庶
禱民禧揆乃元辰備茲法從嚴恭嘉薦告享之禮克成祇奉秘文警
衛之容載肅極尊稱於典冊達精意於蕭牆丕應紹臻神期仰接顧
俯眇曾獲舉上儀凝蹕所臨眷民謠之斯洽經塗所出念官守之惟
勤宜均純嘏之祥用布履鴻之澤可赦應亳州管內及自京行幸所
歷縣分云云燕邦故地曲里名區夢日降祥風崇於珍館巡方案節

復壞於鴻徽升列藩垣永昭旌賁危州升為節制仍以某慶軍為額
上德降生之地則躬親祀之邦用保殊休特加優澤管內特放云云
於戲朝真頌慶荷景祝之來同行慶布和俾群心之胥悅宣布中外
知朕意焉

改明道宮奉安玉皇像詔 大中祥符七年正月己酉

恭惟祀館式展度祠精意允孚著獲摠萃乃眷齋心之宇斯為某福
之庭是宜肅按冲科設營仙室法清都之偉制增大壯之新規庶延
靈歎之遊用介蒼黔之祉奉元宮宜改曰明道宮奉安玉皇大帝像
親書天書刻玉篇號題紀年月詔 大中祥符七年八月丙子

元命博臨瑞文昭錫報璇穹之景既已建喬封佑寶祚之昌期載營
珍館荷慈顏誕厲厥寅恭思以秘符刻於溫玉明標篇號協紀歲時
上奉高明庶伸皮鞞天書刻玉篇號題紀年月並朕親書

以來年正月一日告上玉皇大帝聖號御北

大中祥符七月辛卯

穹昊蓋高先昭於下濟妙道為大寶著於強名而况端拱璿樞財成
寶麻總九陽之政令布萬民之福禧所致隆平方膺於黑陰仰崇稱
謂思闡於神功所以仲有固之至虔謝蒸蒸之介祉伏惟玉皇大帝
宅尊紫宙制治清都居二儀之先為萬物之主至仁不宰覆育於群
倫妙用無方監觀於泱宇是謂莫闕其際曷得而謝者也願以妙冲
續茲基緒元符申錫祇受於睿懷懿典紹揚欽隆於保佑勒封架趾
報本郊丘百禮咸宜八竦狎至僊宗荐降謨密彰大茫家邦寵綏
海域故得俗躋仁壽歲洽順成七政以齊百嘉並登慶懷生之多幸感
美應之有孚天造降衷雖巍巍之固報風興勵志庶翼翼之獲伸由
是度越前閭肇新寶號將以祇率億兆虔叩希夷內傾濟慄之心上
達高明之聽興天下臣庶上玉皇大帝聖號謹以來年正月一日躬

中為告其冊寶親撰文及書天下亦此日奏告仍定儀式頒下其奉
上冊寶委中書門下命禮官參詳儀注別擇吉年恭行大典咨爾有
位體于朕懷

誠約諸州奏上玉皇聖號官吏務遵嚴肅詔

大中祥符七年九月戊戌

朕嚴恭寶命宣奉紫清速率上之純誠崇虛皇之聖號仍從獻歲度
告璇宮猶度覆載之間未達齊莊之懇宜敷誕告用一群心儻將事
以有違必常刑之無赦諸州將來奏告奉上玉皇聖號官吏等務遵
嚴肅稍有違懈委轉運使察舉按劾以聞

宋朝大詔令集卷第一百二十五

宋朝大詔令集卷第一百三十六

典禮二十一

天神下

加號翊聖保德真君詔 大中祥符七年十一月癸未

誕敷景命仰荷於至神昭報殊休履增於懿號蓋為邦之大典庇民之深旨也而况翊宣元化表式衆靈同陰厲於含生播明成於福地當王基肇啓國降監而已彰洎文考續承履先期而斯應繇是亞營珍館並薦徽章蒙介福於無垠佑鴻圖於累盛顧惟眇質紹撫懸厓典禮交修棋祥當委涵懷幽贊敢怠欽崇是用益以丕祚奉之茂剛庶仲美報式達至精翊聖將軍宜加號曰翊聖保德真君

申告上聖號敕文

大中祥符八年正月壬午

國家欽奉駿命馴致大寧茂積累之祥集圜方之祐肆予涼德祇紹

慶園夙夜之懷靡忘於恭已穹昊之顧屢降於維祺而自中錫秘文交
脩盛則升紫煙於云然瘞黃玉於魏惟降欵馭於杳冥述璿源於收
永以至黍稷豈楙彊陽諧清景風甘雨以應期肆伐濯征而咸息鴻
藻純懿煥乎而可觀璧典闕文昭然而並舉內備菲薄克廣帝猷蓋
自玉震誕秉道隆是崇明競祇荅珍符由是揆獻歲之初率繇區之
衆虔瞻層宙肇薦強名恭展皇儀親臨靖宇望益高於霄極達封奏
於元都加以奉溫王之寶章登明霞之宏構延茲介祉庇及群黎巨
禮財成靈心嚮荅無彊之美既集于邦家渙汗之恩宜覃於海域式
布惟新之澤用頌大賚之仁可大哉天下繫因已叔人十惡罪至死官
典犯正社法職不赦外闕叔情可憫者奏裁自餘咸赦除之天書儀衛
使已下並加錫賜天書儀仗兵士並與將吏迎奉天書並官行事官第
與支賜馬步軍將士並特支在京職任京朝官遷秘及三年應景德

四年七月四日勅命磨勘者並令審官院考課引見其外任未經磨勘者具歷任中審官院奏裁得替兼職州縣官及致王事親屬投司士參軍白衣選人年及格者並放選貶降授官等第涉陞量移叙用除名追官停職任放逐使人許於刑部投狀銜替未得與官諧色違礙選人許於南曹投狀舉人因事毀舉永不得入科場不經刑責者許依例應舉三京諸路大中祥符上年終已前夏秋及緣科稅賦貸糧和糴見欠者除放緣河江淮兩浙水災民田不曾除破省稅者並蠲之諸路州軍監自今災傷不稔並須即時聞奏當職官議體量振卹東封汾陰奉祀主持官物少欠非侵欺者並放諸玩冶不敷歲課悉蠲之京東西河北修河地分歲役人夫科配物料念我蒸庶得無重勞宜令轉運司及本州長吏察訪官員使臣州縣吏有能究其本末知其利害省功減料以惜民力而河防津要歲不衝決者具事以

聞如實獲其利即當行焚權諸路親民官廉白持操恪謹從公不用刑而常賦登不害民而庶事集獄訟無撓里閭共推者轉運司以聞天下才器之士或淹下位或滯草萊及高年不仕德行可稱義夫即婦孝子順孫其名以聞孤寡憐獨不能自給者陪加存撫沒王事官子孫並與錄用岳瀆名山大川歷代聖帝明王忠臣烈士載祀典者所在精潔致祭近祠廟陵寢禁其樵採祠宇壞者官為完葺亡命軍人盜賊許百日之內首露跡限不至復罪如初是日令天下州府致齋內外臣庶之家設香燭於殿九域隆平三神春祐薦紫清之稱謂已展於精衷奉河洛之圖書復揚於玉則顧福禧之所及諒溥率以咸均皆爾庶邦膺茲灑澤體予深意益務慎修

畫趙氏神仙四十人於景靈宮廊廡詔

大中祥符八年七月丙辰

朕躬對殿取獲聞系源載懷尊祖之心用構列真之宇願惟宗姓賢

富靈仙遂命樞密使同平章事王欽若於透藏中檢閱凡得趙氏神
仙四十人事跡所宜寫以丹青列於殿廡觀古人之象恭以奉先炳
帝者之儀森其在望庶昭懿範永示方衆宜令修景靈官司畫於廊
廡

以來年正月二日上聖祖徽號詔大中祥符九年十月壬申
乃者蒼昊顧懷真游降格側聆謬悔迺悟仙原允昭積累之祥洞協
希微之應宗祊蒙佑遐通均飲是用率籲群城歸尊上帝於前春之
穀旦篤徽典於真宮式戒先期已申誕告重念蒼太霄之洪覆既竭
寅恭崇聖祖之丕名合遵嚴奉爰因吉序並展威儀以來年正月二
日詣景靈宮奉上聖祖天尊大帝徽號咨爾中外體茲意焉

上玉皇大帝聖號表

天禧元年正月辛丑

臣聞曰至曰妙道之精也為昊為蒼天之大也雖上德不德昌可以

詳言而常名無名於是乎丕顯所以受之而弗壞不奉之而歸尊
蓋三才之至公億齡之臣典也伏惟玉皇大帝剛健純粹高明博臨
生造化之先居正真之始九陽有命恭已而財成萬寓無疆克仁而
大花若乃廣運之聖不測之神總治百靈統濟七政范茫率土祗仰
於監觀蠢蠢流形欽承於覆冒是以自翕聞之始決融結之區照日
月之輝沐雷雨之澤為物為變之類麗天麗地之疇進燕誕敷故諧
其茂遵皇靈昭著故積其黃威宜乎有國者兢兢而不忘乾而內
馨者也臣願惟眇質獲詔睿圖繼祖考之慶基守盛宇之大器向以干
戈例載符瑞交臻荐告先期疊頌秘籙云公之獻紀勳而勅宗河汾
之邛首方而報本承像宗之降格述寶緒之開先由是盛則隆興純
禧紛委嘉生並育善氣彌充俗阜醇和路盈雅訟豈云寡昧能致於
升平蓋自顧懷茂彰於保祐夫杳冥之况既表於殊尤菲薄之誠敢

忘於勵翼於是舉邦國未行之事報太紫曲成之仁祇率與民奉崇
寶號太上者首出厥務開天者資始六合執符御曆者冠于司牧合
真體道者契于自然瞻玉宸之崇高思璿霄之尊極合為丕禎奉于
清都臣不勝大願謹率天下臣庶奉玉冊玉寶恭上聖號曰太上開
天執符御曆合真體道玉皇大帝伏惟允彰鴻名俯昭至精永流
介福下及懷生翼翼小心誕膺於乃勝昭昭嘉應永保於咸亨臣某
惶恐再拜謹言

以正月十五日行宣讀天書禮詔 天禧元年正月丙午

朕以眇躬獲紹隆構仰慶靈之稽累荷穹昊之監觀祕籙垂文珍圖
錫祚告卜世卜年之業諭時萬時億之祥載惟涼薄之姿寅奉殊尤
之祝每增夕惕祇答天祺登茲嶽以垂鴻巡槐雕而育穀而又旣輪
臨暨濬發於仙源曲里朝修崇嚴於道塗曠典以之交採厚福繇是

咸懷遂同海域之心恭上紫清之號揆首春之數旦陳徽冊之盛儀
復造殊庭薦稱神祖導珍符而展采標瑞麻以建元乃至潔祀大宮
升禮吉土式罄奉先之孝克伸大報之誠福祝來同感悅交集夙宵
內省寅畏靡違思與官師共遵天誨體清淨之妙本保悠永之真風
是用順考靈辰宣揚祕謀共守大中之道愈欽皇極之規謹以今年
正月十五日行宣讀天書之禮繫爾宰府體慈意焉

上聖祖聖號仙衣冊天禧元年正月壬寅

粵以生三為大寶本乎道樞得一以靈華資乎神教洪惟聖祖降自
先天位冠真階功宣民極施及中古再撫庶邦修德振兵舉賢播敷
順風而訪道迎日以授時大勳布昭淳化宣洽乘主氣於五勝司命
紀於九清陟降霄昊財成而彙復應帝命垂庇皇宗昭啓孫謀永綏
天祿曩以秘文申錫靈眷足將協夢告期奉符拜覬今復警于宵寐

彰厥殊休村乃雲耕庾於禁園衆真顯導尊象粹和躬聽至言茲知
洪緒俯猶冲菲寶荷顧懷飲膺美錫之祥玉闈莫京之肖瓊源惟永
寶麻無強純嘏荐臻感應交禁是用敷求令典申薦敝名稽眾妙之
淵宗迷無方之况施本枝所系仰祖德有開天極至高儼帝宸而增
煥表茲崇尚以答高明謹奉玉冊玉寶恭上聖號曰聖祖上靈高道
九天司命保生天尊大帝伏惟監聽靈壇貽休宗社永隆宇佑誕集
祺祥玉帛群倫翕受蕃祉

大極觀上聖祖母元天大聖后徽號冊

維天禧元年歲次丁巳三月庚子朔六日乙巳嗣皇帝臣某再拜稽
首上言曰恭以大造無形為一氣之祖至神毓粹居二儀之先洪惟
靈懿無方柔明有赫總妙本而資始啓真緒以肇基乃眷冲人嗣守
洪構夙特勵翼思致洽平乃者層宇監視祕符申錫佐繇長之祐示

清淨之方瑞命殊尤景貺紛屬跡是勒封云岱展事汾睢既明察以
交修復祺祥而荐至仙馭告期於中禁辟儀來自於太霄法從備其
音容諄誨受於清宮諭感祥於大電聆育聖於高邨厚德乎先曦源
長發猥紹詒謀之慶敢忘克荷之難享是休嘉永懷欽奉惟祖德之
威爰上丕祚而毋儀之尊未崇顯號斯所以順稽鉅禮式耀徽章允
罄精衷肅神昭報謹奉玉冊玉寶恭上懿號曰聖祖母元天大聖后
恭惟誕膺茂典玉赫殊休垂佑後昆永錫繁祉

封真武靈應真君詔

天禧二年六月丁巳

洪惟真武定位陰方幽贊上穹靈彰妙用京室之興見象斯殊盛涌
神泉迥為地寶克蠲民疾丕顯靈休茂建真祠式中嚴報爰講求於
盛典特崇麗於徽名永耀真階益延民祉真武將軍宜加號曰真武

唐葛周將軍加號真君詔嘉祐八年三月丁巳

神聖至幽必有驗於顯誠心至著必有達於微音容相交符應若合上仙隱影唐將軍上靈飛形葛將軍直使飛真周將軍階列仙遊名在真籍頂朕違豫煥然感通孚佑有加康復如故唐將軍加號道化真君葛將軍加號護玉真君周將軍加號定志真君仍於在京宮觀內營建殿宇庶殫精裒庸答休謚

梅福封壽卷真人制

勅某在漢之際數以冰遠極言天下之事其志壯哉晚而家居讀書養性卒遺俗高蹈世傳為仙今大江之西寶存廟像禱祠輒應能澤吾民有司上聞是用錫茲顯號光靈不泯其服朕恩可

郴州蘇仙山蘇耽賜號冲素真人制元符三年五月戊寅

勅維爾生於遐裔世傳為仙歷千餘年猶能惠澤一邦有請輒應州

上其事朕用歎嘉因民之心錫以顯號尚其敦佑永在斯人可

赤松凌虛真君制

元符三年九月

勅道無方體供物之求兆見機祥發於感忽赤松真君紀于仙籙神農之師雨暘並時有求必應一方所仰千載如存祗答靈休用申茂典可加號赤松凌虛真君

建長生宮詔

崇寧元年七月三日

朕以大德炎惑真君耀赫垂照執法于天視哲禮修星躔循軌若迷守則示罰或退舍以昭祥巨宋勅典寔繫炎德宜崇靈館仰答真休冀獲登臨敷錫壽祉已令就洞真君舊基脩建殿宇設像寅奉可改賜曰長生宮

上玉皇上帝尊號御筆手詔

政和六年四月二十九日

道不可名而隱於無名名以既有則可名於大可名於小故自古及

今其名不去強而名者曰道形而上者曰天神而應之曰帝三者同
出異名朕德不類獲承至尊惟道之大微妙元通深不可識夙夜祗
栗恐不足以體法而順承之永惟玉皇天天帝美天上帝至尊萬化
名殊實同而昔之論者析而言之不能致一故於徽稱闕而未備今
興建明堂以享以配而名實弗稱震于朕心大懼無以承天之休欽
帝之命謹涓日齋明恭上尊號曰太上開天執符御曆含真體道吳
天玉皇上帝其令有司備禮奉上玉寶玉冊以極朕意

上玉皇徽號赦政和六年九月五日

門下朕嗣守洪圖紹膺駿命誕受圖象之祉潛孚簡在之心于時保
之既昭假爾惟混茫之莫測顧稱謂之成殊稽考前王循沿舊典雖
著克誠之享未聞至當之歸朕欽若昊天昭事上帝夙興夜寢不敢
康寧必也正名合而為一式涓數旦丕講誠容聿甲虔告之文肆展

躬行之禮製為寶冊恭薦徽稱稍意默道靈心響告報以介福豈于一人之敢專錫厥庶民嘉興萬邦而共慶導迎和氣均霈鴻恩可肆赦天下云云於躬帝命不違敢忘靈承之意天休滋至用率肆育之仁尚資修輔之勤永弼隆平之治爰綴爾眾咸體朕懷

天神下視太師恭京乞宣付史館御筆手詔

政和三年十一月九日

朕德不類獲承至尊永惟天地宗廟之重夙夜惕厲固或弗放乃以冬日之至欽修四祀爰命有司規法三代肇造禮器體茲大道改用元圭祇戒精專以期昭感自宮俱軒顧瞻空際天神降格策然仗衛見於道左雲剝日出視之顯然哀時之對來止來臨非特影響形聲之應顧朕何德以堪之天人之際大豈遠哉而稽天若其敢不欽惟爾百辟卿士務叶乃心交修罔怠用答揚我休庶可依所奏上東上閣

門拜衣

圖馬九星二十八宿朝元冠服頒行天下

宣和元年五月二十七日

朕玉琢寶緒摠育黎元遵道庇民咸躋壽域其於嚴恭肖像罔有弗
度比覽宮觀祠宇九星二十八宿真形有服牛乘馬操戈執戰者有
戎衣端坐露頂跣足者或裸袒其體或變正以居率皆誕怪萬狀躋
侮靡常欲祈降格上真丕冒景貺莫可得也朕以謂高辰列曜恭拱
王帝以輔元化莫非冠服端肅儼然之相隱顯雖殊夫人不遠正如
世諦君臣之理曾何若是萬幾暇日稽考瓊文玉笈究其杳然米得
其詳躬御丹青圖馬九星二十八宿朝元冠服圖頒行天下昭示多
方庶使群動傾瞻咸赴妙道穰穰之福以逮邦家豈不偉歟

宋朝大詔令集卷第一百三十七

典禮二十二

地示 山川 雜祀

五嶽四瀆廟長吏每月點檢令兼廟令尉兼廟丞詔

開寶五年三月

辰土

五嶽四瀆典禮斯在廟貌祭器時弊是依向以主者不恭民祠罔禁至使屠宰於階祀之側庖糞於廊廡之間黷彼明神汨于常祀屢經損穢幾致傾頽昨已特命修崇咸臻顯煥宜中告誠俾務精虔自今遂處長吏每月親自檢視仍各以本縣令兼廟令尉兼廟丞祀事一以委之常須流掃務從蠲潔無縱士庶輒有損敗其東海廟等亦准此

賜靈源廟額詔 咸平元年四月戊戌

衡之百門廟門之水出焉神靈攸居魏像斯設凡所請禱答以勤誠
不有嘉名孰謂昭報宜賜額曰靈源

加號仁聖天齊王詔大中祥符元年十月辛亥

節彼岱宗載乎祀典列九州之鎮冠五嶽之雄卷言封勒之區允謂
神靈之府朕爾承景既恭展上儀惟肝製之垂休乃紛紛而薦瑞宜
增美號以報神功泰山天齊王宜加號仁聖天齊王修飾廟宇祭器
又封咸靈將軍為炳靈公令兗州加葺祠廟封泰山涌泉廟為靈泚
侯亭亭廟為廣禪侯兗州鄒縣嶧山廟為靈巖侯各遣官致告祭

進號顯聖靈源公詔大中祥符元年十一月丙子

山瀆之雄九河居要夙著浮沉之典式尊正直之神朕展采喬嶽致
誠有昊爰恩宣防之地緬懷烈聖之功皇運肇開澄瀾宿應欽惟善
利用益嘉名宜進號顯聖靈源公仍遣右諫議大夫薛昉往河中府

比部員外郎丁願言就灑祭告

遣官祭河詔 大中祥符四年十二月辛酉

申冀之區洪河所出汾川合注禹跡遺靈四濟所宗五祠惟舊方致
虔於厚載屢發祉於靈長善利無涯澄瀾有泚永惟崇報茲用講求
爰自封勒之初已增煥赫之號難從再瀆彌積至虔宜令太常少卿
直昭文館謝泌致祭仍告已封之意

西嶽加號順聖金天王詔 大中祥符四年二月乙丑

豫鎮柱基河神遠跡主少陰而成物介西夏以奠方制蹕經塗崇巖
在望惟炳靈於殿極寶幽贊於沉潛昭報冥休用增顯赫西嶽金天
王宜加號順聖金天王遣鴻臚少卿裴莊詣祠致告

五嶽升帝號詔 大中祥符四年五月乙未

峻極之嶽上配於圓穹聽直之神助司於元化緬惟前代並建王封

奉祈報以惟寬蘊休祥而匪測顧惟涼德久荷蕃釐自祇陟於神房
洎親祠於吉壤造發生之宇獲薦明馨款削成之峯載瞻廟貌精一
之心克協時製之應沓臻惟彼高高起於衡版爰暨翔遊之鎮寶臨
代北之區咸茂梓靈以綏黎獻是用昭升帝蘇允荅神功永增徽冊
之華益厚群元之祉今加上東嶽曰天齊仁聖帝南嶽曰司天昭聖
帝西嶽曰金天順聖帝北嶽曰安天元聖帝中嶽曰中天崇聖帝仍
各遣官詣嶽祠致告擇日備禮奉冊命翰林學士李宗諤龍圖閣直
學士陳彭年典禮官詳定儀注

奉神述

太中祥符四年六月乙巳

朕還銜汾壤舍爵太室鴻儀罪舉慶賜大行歷代之文靡有不講百
神之恭靡有不崇上以荅純禧下以揚盛則庶元休之昭降俾庶民
之和樂也眷惟列嶽實輔柔祇設園一方盤根千里雲霧之所滋泉

源之所吐草木之所殖鳥獸之所蕃故明神攸居陰陽斯顯察群生之善惡司庶景之禍福至若百穀之豐儉兆人之壽夭雖云命厯仰制於天心然而政令下屬於神道經典之所載史氏之所傳或如其珪璣或禁其熬揀或增其奉邑或尊其名稱固不寅畏則嘉應昭格怠惰則咎徵咸作暨乎琅函之閣籍金簡之隱書並著微言具存妙迹雖幽顯而莫測故影響而可知向者裸鬻庭園望崧邱之峻極奉符御魯登云岱之鬱蒼祈穀魏雎涉太華之靈異觀流形之為大知降福之無方由是中心愈增祇肅復念獲以涼薄嗣臨區宇五兵倒載萬國未同核橋保於順成蒸黎息於疵癘苟非兩儀之垂貺萬靈之幽贊何以彰茲交感成其永圖今巧備邦國之徽章極方冊之令範恭以懿號薦于敬神豈獨斷自朕懷抑亦參之古義夫域中之大其名有二唐虞謂之帝商周謂之王美必商周之崇名可以施於臣

下唐虞之尊稱莫得奉於明靈每夙夜而靖思竇寤寐而罔措以茲折中亮為至當加以車服之制羽衛之容夙以同符今復何避况惟此舉本用庠民在乎眇躬且絕私禱儻使神錫其祐民獲其惠溥天之下靡有後艱含生之流存膺多福予之願也人其鑒焉則前代所無後王所建詳觀舊史寶繁有徒但詢厥意何如豈憚事有改作尚虞率土未照此誠乃率爾成文亦庶幾言志云爾

加上五嶽后號詔 大中祥符四年十一月戊戌

朕以列嶽奠方配天作鎮粹靈所宅百代仰其聰明雲雨所滋萬物承其化育寔憑幽贊思極欽崇由是昭備物儀推尊帝號矧柔靈之作合儼象服而有容載舉徽章式光內位其加上東嶽天齊仁聖帝淑明后南嶽司天昭聖帝景明后西嶽金天順聖帝肅明后北嶽安天元聖帝靖明后中嶽中天崇聖帝正明后之號仍遣官祭告

今杭州吳山廟春秋建道場詔 大中祥符五年五月乙未

杭州吳山廟神寶主洪濤年書狂毋頂者湍流暴作閭井為憂致禱之初厥應如響禦災捍患神寶能之用竭精爽有加常祀庶馮誠感永庇居民宜令本州每歲春秋建道場三晝夜罷日設醮其青詞學士院前一月降付

封焦山詔 大中祥符七年三月戊寅

丹徒古郡焦岫靈祠開舟楫之人禱祈多應聰明是仰崇報有經峻國爵之等威備祠官之嚴奉焦山在江中近海門禱之有應故加封號仍製文告之刻石廟中

崔府君封護國顯應公詔

昔漢令道爰房祀洛郊將侯能神廟食吳壞劫都都所馭肘蠻載臻眷是靈祠本于外服且以忠存溢邑思結蒲人生著令猷歿司幽府

案求世系史逸其傳尸祝王宮而民賴其福陰施茲厚寵數未崇非
所謂成秩無文報有德也宜錫顯號加視上公牢具采章成稱其禮
崔府君宜特封護國顯應公

封嘉嶺山神詔 康定元年五月甲申

太一宣成允資神祐嶺山致禱寶壯司征蕞爾戎羗僥焉嘯聚違德
背惠自奸不祥岷彼雲峯寔惟守祀遶梯衝之向海興雨雪而外凌
闇冥之交髣髴有覩狂寇驚潰堅壘妥安扞民成功蒙福斯厚而名
爵未著牢具不豐非所以重依人尊受職也宜彼稱號視秩辟公肅
恭奉祠咸與加等特封延州嘉嶺山神為成顯公仍令本州差官往
彼祭告

商州黃砂嶺廟特封靈澤侯制

勅神依人以見其用而人亦賴神以濟蓋處于陰陽行于幽明而迭

相為利者也惟嶺有祠祈罔不答守臣上其事朕嘉異焉錫爵加號以報神惠食于具土永孚民休可特封靈澤侯

曹州髣山神封靈澤侯制

勅守臣言曹州有髣山神或以為始封君之廟歲首早暵躬致禱為雨致若期而福而復寶藉德澤以化一州朕加厥功思所以報疏爵錫號為神休光可特封靈澤侯

岳州昭烈靈妃錫號詔

湘湖之神主福方國位秩名數可無稱哉岳州昭烈靈妃純孝加人生稟至性利澤及物死而不怠瞻言祠宮奠彼州服比因旱暵甘雨應祈有司請焉宜有昭答敦錫懿號顯揚靈休

卅州咸寧郡王廟可忠武王沂州艾山神廟可靈鎮侯安州龍泉廟可靈澤侯

勅古之諸侯得祀其境內山川之神非使之徼福以利乎已也蓋神之德及民則思所以報之眷言靈祠莫彼邦服比因旱暵嘉澤應祈有司請為宜有昭答疏爵錫號顯揚神休可

鄆州靈津廟龍女可封神濟夫人制

勅蒸神幽而難明也朕於祠事顧何所適莫哉惟功遠吾民斯報之而已矣鄆州上奏農歲旱暵有謁于廟典靈油然而澤茲土加錫美號用孚光靈永庇一方尚有常享可封神濟夫人

靈惠侯進封靈惠應感公制

安奉聖
音云云

內詳近年京中人民春夏間多疫疾於靈惠侯廟背水往往痊

爾父守蜀建二江之利功施於後世爾亦以神顯于西土父子廟食相傳至今比歲京師賴以為福民罹札瘥請禱輒應夫有及人之功者必饗爵秩之報幽顯雖異朕何間焉建爾上公中錫嘉號式從民

志以侈神休宜特封靈惠感公

顯靈順應神妃立廟賜冠帔詔

紹聖四年八月戊戌

北有柳河久堙弗治疏源導滯還復故流厥績既成神實有相顯靈
順應神妃出應無方幽贊工事即其庶號俾建新祠揭虔妥靈加賜
冠服昭答神貺永庇一方可依前黃河顯靈順應神祀建立廟額仍
賜冠帔

靈感軍山廟封嘉惠侯制

元符三年五月癸巳

勅南豈之境峯巒聳秀望之見於數百里之外是為軍山有神祠焉
禱祈輒應使茲一方無旱乾水溢之患神之為賜彼土火矣而封貴
之秩未有以稱報事之心宜錫命書俾新美號尚期靈貺永庇吾民
可封嘉惠侯

皮場土地制

建中靖國元年六月戊午

勅皮場土地人神之分異矣傳稱以道泄天下則其効至於神不傷人爾神非特不傷人而已瘍醫之所難療者人能愈之以顯濟于一方朕咸秩無文肆及遐外而况都邑之內靈既若此者乎爰視侯封褒錫美號益隆初意以助吾仁可特封靈既侯

皮場土地封靈既公制

中書省奉旨皮場土地靈既侯以其神可封

勅皮場土地靈既侯夫神與吏有功吾民則褒崇之雖幽顯不同而示天下之公一也惟爾有神療民疾苦所療輒愈厥功著焉易侯而公以稱先靈以慰民望祇予之誠以示朕愛民寵神之意可特封靈既公

後苑土地可封顯應侯制

勅後苑土地爾神分職幽間實在禁禦最有顯應動乎見聞宜昭正

直之功用錫列侯之號享千秩祀典國無窮可封顯應侯

在內城隍上地封昭貺侯制

勅某神朕惟百神受職於都邑之內猶百官之在朝廷各司其事而不相亂苟有功於國則必有以報之亦無幽顯之異也爾主吾城隍為日久矣而能肅鎮方隅救寧中外既昭殊貺宜煥褒崇用比秩於上公仍寵膺乎顯號尚惟顧享益致闔休可特封昭貺侯

制 邵武軍泰寧縣孚應廟靈符侯封寧惠公靈祐侯封寧順公

邵武軍泰寧縣孚應廟靈符侯靈祐侯朕惟民功祀典所秩矧彰靈貺宜有寵褒惟神作死遐方威信夙著殄災降福有禱必從曩在先朝已膺顯命閱時未久休應屢闈宜錫恩榮增崇褒尚其敬悻益祐彼氓靈符侯可特封寧惠公靈祐侯可特封寧順公

福州古田縣惠應廟侯山神封順寧侯制

福州古田縣惠應廟侯山之神自唐廟食于今數百年矣我崇寧初始賜廟額而疏封之榮蓋未及也邇者漕臣上言即縣水旱祈禱屢應雨旣若時歲乃大熟冀加褒顯用答靈休朕用汝嘉錫之侯爵尚其歆懌永庇一方可特封順寧侯

台州仙居縣括蒼洞徐真人封靈應真人制

台州仙居縣括蒼洞徐真人至德之人用心若鑑損虛汎應下視無方加惠吾民奔所昭報申之顯號茲謂國章尸而祝之俾永承事可特封靈應真人

道州營道縣靈濟廟封靈濟夫人壽州壽春縣靈濟廟封普

惠侯制

道州營道縣靈濟廟等惟爾有神廟食滋久克有靈貺以為民休肆

加褒崇錫以封爵尚其敬悻永福此邦道州營道縣靈濟廟可特封
靈濟夫人壽州壽春縣靈濟廟可特封普忠侯

靈惠應感公封昭惠靈顯王制

靈惠應感公惟神邁述右蜀克載典祀馳馭赴感蒙福京畿至靈克
昭有祈必應夢協朕志饗于嘉祥王師西征叛羗員固能出雲南遂
珍醜夷竇繫神威默相予武夫有功不顯既應廟食之隆而昭報尤
殊宜恢王爵之奉敬是褒寵永孚靈休可特封昭惠靈顯王

安泰門外天曹掠刺使者李大夫封靈德侯制

城北安泰門外天曹掠刺使者李大夫祈禱累有應驗可特與封侯
爵制曰天曹掠刺使者李大夫惟神所宅在園之陰赴感應祈有赫
斯德疏封錫號用侈厥靈其永邦休以綏廟食可特封靈德侯

歸州黃魔神封顯濟侯郿州建成將軍封靈應侯制

歸州黃魔神鄜州建成將軍等神者民之依也維聰明正直不為靈
享以有廟食潛攝陰德祈必感孚宜修恩封式昭殊應肆加侯爵仍
易徽名尚建神休載光典祀黃魔神可特封顯濟侯建成將軍可特
封靈應侯

永康軍崇德廟郭舍人封威濟侯制

永康軍崇德廟郭舍人惟爾有神英惠靈顯父子擒水怪以成茂功
故能記茲廟食介福于民時之水旱人之疾苦祈禱輒應申錫侯封
用昭殊効其克歆承永垂靈祐可特封威濟侯

永康軍崇德廟昭惠靈顯王夫人封章順夫人制

永康軍崇德廟昭惠靈顯王夫人朕惟在外治者必有內助非特顯
而在人者有之幽而在神者亦與有焉昭惠靈顯王功昭西蜀福被
中都護國惠民利澤尤著意夫人之靈有以助之也寵錫榮名用彰

異蹟服茲茂渥尚其居歆可特封章順夫人

杭州天目山昭應廟神封淵源侯制

杭州天目山昭應廟神之應物敏猶影響之隨祈以報功罔有幽明之間惟神變化不測升降自如靈德託民三池惠澤浸于一境旱災或至所禱輒通沴氣潛消豐年屢格既藹聞于朕聽宜申錫於侯封永范下民益施美利可特封淵源侯

成都府溫江縣潔惠廟范長生封妙感真人制

成都府溫江縣潔惠廟范長生其存也著賢號於一方其歿也施靈德於千載自非體道含真之士時克爾哉當其歲或水旱民致禱祈時若雨暘應如影響聿清年氣易為豐年有司上聞良用嘉歎式昭美報中錫祭名庇此蜀民永垂道蔭可封妙感真人

施州清江縣永福廟神封加惠侯制

施州清江縣永福廟朕秩祭祀以馭神頒爵位以稱德儻潛敷於利
澤宜期被於褒崇惟神德及一方功施品物民致誠禱應如響隨
若雨暘驅除癘疫寵加美號中錫殊封歆乃茂恩佑茲遠俗可時封
加惠侯

五鎮進王爵制

東鎮沂山東安公南鎮會稽山永興公西鎮吳山成德公北鎮醫無
閭山廣寧公中鎮靈山應靈公朕治格平成世躋嘉靖柔祇協應珍
瑞還來何昭貺於百祥由孚靈於列鎮乃眷元豐之舊嘗加成德之
封賜舉黻章邁追先忘惟神姿凝博厚性本靜安敷佑舍生東安公
奄奠東上永興公奄奠南服成德公奄奠西土廣寧公奄奠朔上應
靈公奄奠中上宜增崇於王爵用顯正於邦儀尚冀歆承永臻定泰
可茲封王

昭惠顯靈王封真人賜中書門下詔

門下天下有道事多助順之休聖人成能斯極感神之妙昭惠顯靈
王英明夙降變化無方治水救民本上穹之所命紀功載德有往牒
之具存肇自祖宗間興師旅能施雲雨復濟陰兵致殄羗戎備昭靈
蹟比濯征於夏寇乃克相於天威雷霆聲震於啟城人物馳於空
際盪平巢穴肅靜疆疆矧茲京邑之繁尤被福禧之廣毋封王爵血
食廟廷尚仍祀典之常昌侈天真之既宜更顯號以示欽崇可改封
昭惠顯靈真人故茲詔示想宜知悉

后土尊號御筆手詔

政和六年十月十五日

王者久天而母地事天明事地察明故先之而弗違後之而奉時祭
故術以觀其文卑以親其法動靜翕聞一陰一陽其稱名殊其為道
一乃者統率萬邦黎庶為之名號以玉冊玉寶昭告于上帝至哉坤

元萬物所資生直方以大未有稱謂非所以顯微闡幽通神明之德
朕夙夜祇懼罔敢怠忽若稽在昔夏日之至于國之北特求神於澤
中之邇雖名不足以盡道而道隱於無名則名不可已也夫順承于
天効法于下厚德載物含宏光大地德也謹以是德上徹號曰承天
効法厚德光大以盡兢兢業業世事之禮可令有司檢會故實擇日
恭上布告中外咸使聞知

地祇尊號內加后土二字御筆

恭上地祇尊號永惟地道上順承天皇后土陰陽之理也舊地祇
未有后土之稱可於尊號內加后土二字

杭州英烈王可封昭顯英烈王制

朕惟非常之傑就功烈於一時不亡者神亦英靈於千載式褒祀典
爰重王儀具位某神智足殫吳力能破楚顧威名之已著魯忠諫之

弗哀祠于齊山肇自戰國歲事必禱江湖以平比因海邦貢使之還
能體朝廷綏遠之意有祈報應克濟且安既昭顯於精誠用增崇於
美號尚懷助順以永孚休可

宋制大詔令卷第一百二十八

典禮二十三

廟制

有司請議立宗廟奏

建隆元年

伏以王者應天順人顯受元穹之命祖文宗武令陳清廟之儀今景運惟新孝思追遠舊章未舉闕孰甚焉請下百官議立宗廟從之

百官兵部尚書張昭等上廟室議

建隆元年
一月己巳

張昭等上言得權列名表主客郎中任淑狀言宗廟之制簡冊具存有司爰考於舊章祀典庶光於大事謹案堯舜禹皆立五廟蓋二昭二穆與其始祖也商建國改立六廟蓋昭穆親廟之外祀契與湯也周立七廟蓋親盡之外祀太祖及文王武王也漢初立廟悉不如禮魏晉採周官始復七廟之制江左相承不改然七廟之中猶虛太

祖之室斯皆考法於前古定議於一時隋文帝周平陳博訪兩朝羣
議但立高曾祖禰四廟而已唐因隋制廟止四親蓋由始興之君有
功之祖皆在親廟之中故隋唐之初定二昭二穆為四廟自唐授梁
晉至於前朝四廟之規不易其法有司立議無能異同諒由稽古之
制不可改也臣以謂建立四廟深合禮文者臣昭等據任澈所議伏
惟王者孝惟報本禮極奉先瘞方澤而燎圓丘為邦大典左宗廟而
右社稷有國常經其壇墠之規昭穆之數百王不易三代同風伏惟
皇帝陛下承光宅之本基尊武靈之洪緒謳謠自邇華裔知歸欲疇
宣孟之勳式合商周之典其所立太廟七室及追尊四親廟請如任
澈所議制曰恭依典禮

祖宗陞配詔

景祐二年五月甲申朔

朕聞王者奉宗廟貴功德禮天祀地則有侑神作主之尊審禘合食

則有百世不遷之重朕以寡薄獲承天序實賴先烈沆臻治平懼不
能揚祖宗之休丕顯懿鑠夙夜惟念弗違寧居恭以太祖皇帝奮鴻
耀之精輯樂推之誠屬五代澆季中華剖裂英威一震罔不率俾夷
僭黜恭皇綱再張革其桀驁納諸軌度規模宏遠詒萬世法太宗皇
帝躬神聖之資乃膺維述東闕粵復汾晉方夏一統尉候萬里興文
教拔羣材思皇政經憂勞庶務惠澤漸漬決人骨髓真宗皇帝欽明
孝熙恢續鴻緒勤儉以率下哀矜以慎刑撫和二邊兵不復用民靡
知役物遂其生因時昭恭憲章考古登封巡祭聲明焯耀享國多載
仁恩溥博昔商周之際則長發大禘嚴父配天逮於漢氏亦能尊二
宗立廟樂朕甚慕之肆我藝祖之受天命建大業可謂有功矣二聖
繼統重熙累洽可謂有德矣其令禮官稽業典籍辯崇配之序定二
祧之位中書門下審加詳閱稱朕意焉

議禮遷賜中書門下詔

勅中書門下廟祧之序蓋有典矣所以上承先王下法後世朕嗣宅大統獲奉宗祀而世次遷毀禮或未安討論經常屬我哲輔於佐朕不逮而仰稱祖宗追孝之心朕覽之矍然敢不祗服宜可所請施行故茲詔示想宜知悉

一令議仁宗神宗廟制詔

元符三年九月乙亥

蓋聞有天下者事七世則迭毀之制有常祖有功而宗有德則不遷之廟非一厯觀商周下逮兩漢雖禮不相襲而率由茲義未予小子獲奉匕鬯常懼德薄不足以對越在天增光前烈伏以藝祖應天順人肇造區夏太宗受命絕代底定寰宇真宗以聖繼聖撫全盛之運奉太平之業登岱告成文物典章於斯大備昔在仁祖並尊為百世不祧之廟恭惟仁宗皇帝躬天地之度以仁治天下在位四十二年

利澤之施丕冒四海垂定大策授英宗以神器之重措宗社於泰山
之安功隆德厚孰可擬議英宗皇帝享祚日淺未究施設奄棄萬國
神宗皇帝以聖神不世出之資慨然大有為於天下興學校崇經術
勸農桑寬徭役禁暴以武理財以義九政令法度有未當於理不便
於時者莫不革而新之功業盛大何可勝紀羣臣援舊典敷上敬號
然既深自謙挹終抑而不居其聖規模宏遠凜凜乎三代之風矣而
廟祐之制殊未議所以尊崇之典闕孰甚焉此朕夙興夜寐之所以
不敢忘也宜令禮官稽參高周兩漢故事考定仁宗神考廟制詳議
以聞庶成一代之典以章本朝累聖功德之盛以副朕為人子孫顯
揚尊奉之意焉

復九廟詔

崇寧三年五月二十七日三省同奉手詔朕惟有天下者事七世古

之道也乃者有司以哲宗皇帝嗣承神考父子相繼自當為世故上
祧宣祖於夾室據經合禮已依所奏施行去古既遠禮文殘缺諸儒
之說不同鄭氏以謂太祖及文武不祧之廟與親廟四并為七是不
祧之宗在九廟之內王氏謂非太祖而不毀不為常數不祧之宗在
七廟之外厯選列辟當措之宜因革各異惟我祖考功隆德大萬世
不祧者今已五宗則七廟當祧者二宗而已遷毀之禮近及祖考殆
非先王尊祖奉先之意禮以義起稱情為本可令所司集官議定詳
具典禮以聞

復翼祖宣祖廟詔

崇寧三年十一月四日尚書省准十一月二十九日詔書勅門下
朕誕膺文武之緒祗通前人之光肆慕宏休肇為九廟用丕闡於彝訓
爰敷告於庶邦仰惟翼祖在天毓璿源而駿發安陵有衍際皇武於

始基然循七世八室之規則數合於古遵四廟五宗之法則禮未應
遠是用仰奉二祧之靈復還列聖之次雖豐而不泥雖遠而當禮豈
惟遵三代之徽歎益亦用本朝之故事宗廟體大朕何敢專惟卿士
之協同引典章而具列庶靈承於廟祐以上安於威神其已祧翼祖
嘗祧宣廟並復故故茲詔示想宜知悉

親詣太廟

親享太廟詔

端拱二年
七月丁亥

朕嗣守丕基若臨海寓收收為善常思虞舜之仁翼翼小心每恭周
文之理行之夙夜勿敢違寧徒堅師古之心每愧動天之德所賴上
元降鑒宗社儲休率土之濱三時不害至於今歲為大有年豈涼薄
之所能寔祖宗之垂祐是思躬詣清廟祇見明靈陳豆邊展品之羞
薦金石九成之樂謝茲元貺聊展孝思非惟上感於天功亦冀度仲

於子道九爾中外當體至懷朕取今年八月二十四日親享太廟宜
令所司詳議儀注務從簡約無至煩費

停謁廟詔

熙拱二年七月辛丑

朕撫臨區宇司牧蒸黎勤恤憂勞夙畏祗慄不敢自縱於暇逸惟思
惠育於生靈近者以稼穡豈登風雨調叙豈繁京德致是有年實賴
上靈垂茲景貺將欲歸功於天地爰思告謝於祖宗已選良辰躬謁
清廟庶展因心之祝兼行及物之恩而精誠未通懸象垂誠朕常歷
覽圖史備觀古今誓寺為袂簡冊具載三代而下百王以還或減膳
撤懸或責躬避殿能變災而為福由克己以安人若嚴仗衛於百司
鳴和鑾於五輅犧牲成列金石盈庭雖云志在孝思無乃自虧貶損
事既干於典禮情合酌於變通有瀆備物之儀恐非列聖之意所宜
改作貴在得中謁廟宜停仍令所司擇日御乾元門肆赦噫朕不敏

不明託于人上敢辭宵旰務恭華夷欲使萬方咸知引咎九爾中外
當體朕懷

上尊謚畢躬謝太廟詔

大中祥符元年十一月壬辰

朕祇事上封克成大典洎言旋於輦轂合致謝於祖宗蓋以昭答景
靈增崇尊謚屬未行於禮冊難遽展於虔誠今仰薦徽名已陳明祀
特申祇見用達寅恭式尊歸格之文庶表奉先之志朕取今月二十
七日俟上尊謚禮畢躬謝太廟宜令有司詳定儀注

孟冬親詣太廟行祫享御禮

嘉祐四年四月丁卯

朕顧循菲質膺守聖圖潔幣玉以事乾祇嚴圭壺而奉宗廟惇修將
禮舉秩無文亦嘗復耕籍於靈壇恢宗祀於路寢斯牲匪愛靡神不
尊用能誠志達於幽明馨香格于上下靈休見擁至治用康永言孝
思有懷先烈惟祫享之義著禮經之文大祭先王合食祖廟盛廋嘗

之薦深肅陵之懷追孝奉先莫斯為重茲享之廢歷年居多有司所
存出於倣攝禮之將墜朕甚悼焉卜以孟冬備茲法駕欵於太室親
薦嘉饗宜示先期以伸誕告朕取今年十一月內擇日親詣太廟行
祫享之禮其今年冬至親祠南郊宜即權罷所有合行諸般恩賞並
特就祫享禮畢一依南郊例施行至日朕親御宣德門宣制仍令所
司詳定儀注以間務遵典禮勿俾煩勞咨爾多方咸體朕意故茲札
示想宜悉知

諸后祫享依舊詔

嘉祐四年
八月丁亥

朕惟春秋大事在於禘祫前詔太常崇業舊禮期以孟冬之吉躬祠
祖廟庶因合食聖壺相接以廣烝烝之孝而一二禮官於別廟四后
有疑論焉訂之諸儒議久未一深惟祖宗之祭至重至嚴祖宗以來
有司攝事行之久矣祥符中復經聖考著定明詔當時禮官講求已

云義莫可廢也矧茲眇末甫崇孝子其敢廢先妣之舊典禮重運先帝之聖志哉今親孝在近未可輕議其孝章孝惠淑德章懷皇后洽享且依舊典候過大禮令禮官重與討論咨爾輔臣務於仍貴故慈詔示想宜知悉

嘉祐四年祫享赦天下詔制

門下厚人倫者惟孝是先熙國典者以祀為大朕紹承祖武膺荷邦圖眷言任重以至艱渺若臨深而增惕居常進擢端士詢求善經所期者五事之協中所尚者四民之安業或終宵而循省或待旦以討論外雖晏如中亦勞止至於苑囿行幸之樂歌鍾宴遊之娛縣厥歲時僅乎屏去一誠于是三紀設諭茲顧誕之下垂幸休嘉之丕擁方夏和又甫由順成戍更亡勤享障微警溥被涵育庶幾大同欽念宗祊之嚴古稱合食之重禮久不講心焉靡遑是用咨酌情文審稽義

訓聲迎寒律時及孟冬前詣琳宮奉饗而祇歆還升闕室禼瑣以會
祠儼然軒楹差扶位序八簋豐疇三牲具純音容悅瞻氣象歆格于
以答神明之孚祐予以示子道之恪恭庸綏政綱且勸天下宜釋宣
於靈貺俾鋪洽於湛恩可大赦天下云云於戲奉廟祐以罄精誠履
容交舉恤天名而寬罪咎仁化誕敷尚賴輔政濟臣盈庭列辟參輸
忠蓋之力永迪治平之風

祈廟上

卷羣臣請元德皇后升祔表詔

大中祥符八年七月庚子

朕獲承大統欽奉宗祊每思積累之勤敢怠絜豈之享洪惟聖妣早
輔先朝沙麓表祥河洲著範載惟冲眇實荷慶靈永懷顧復之恩實
動溟濡之感卹等職當護弼志在傾輸屢貢封章備陳典故謂孝為
德本必盡烝烝之心禮緣人請宜篤親親之敬願從升祔式慰孝思

裁覽忠規時俞勤懇所請恭依

元德皇后升祔明德皇后之次詔

朕以眇質仰承慶基顧復之恩增悲於罔極烝嘗之典期協于大中祇循奏封聲諧升侑卿等奉予孝治稽乃禮文采儀坤之舊章者昭成之先念省覽云畢感咽良多載念尊親蓋為極致在乎升陟非敢措辭惟以祔廟之歲時用為合饗之次序矧夙膺於慈訓寶永念於冲讓思抑畏以攸遵庶明靈之來格宜恭以元德皇后神主祔于明德皇后之次

元德皇后升祔太宗室冊文

維大中祥符六年歲次癸丑十月己未朔三日辛酉孝子嗣皇帝臣某謹再拜稽首上言恭以堯資生之德莫大於母儀隆歸厚之基率由於子道夫其貫統百行漸被四海日用不匱天經為本內顧菲薄

粵自冲幼夙膺皇訓允迪化源故得馨蒸翼翼之心尚尊尊親親之教守國令典承家積慶函蒙博愛蘊結孝思永慕有慈幸懷追遠伏惟元德皇太后星軒凝粹文定儲祥霜彤史之清芬耀白雲之冠族輔佐先帝誕生眇躬鞠育之念深顧復之恩重惠和宮掖茂宣憲度周仁恕以惻隱盡歲覲而達聰方流詠於河洲邊縵哀於風樹屢當嗣服弗違永顏徒以尊長藥之稱廣儀坤之制成易名於懿寶契節惠於前經有恤斯嚴惟馨致薦日月逾邁霜露增感劬勞曷報瞻言罔極是用展因心之孝從有位之謀考明規於舊章遵合祭於清廟庀職攸叙揆日斯良式竭至誠恭行盛禮謹遣攝太尉右僕射兼門下侍郎平章事王旦奉寶冊改上徽名曰元德皇后升祔于太宗皇帝殿室恭惟聖靈諒鑒功懇仰慶登格永申配侑協符介福延施無疆之休護言

真宗山陵祔廟畢曲赦西京德音

乾興元年十月辛酉

門下孝本天經慎其終而為大今行國典達其下而必言身惟冲人祗嗣丕構屬以亮陰在旦陵寢戒期比將號從靈輿必躬秉事而外追辱請內奉慈願理奪至情哀增罔極賴宗厚垂祐宗社延祥元宰敷猷皇僚率職洎諸百執咸一乃誠備物之容靡闕於濡滯因山之制逝仰於鬱羊虞載爰歸神祔允肅念營奉之克濟且供億之惟勤宜申惠慈用敷風教應西京畿內二六於戲奉先思孝率循佑啓之謨守位以仁良切慰綏之念更繫臣衆務竭忠規保固成基永縻多祐布告中外體茲意焉

章獻明肅祔廟畢曲赦西京德音

明道二年十一月二十一日

門下茲者母后上儀寢園卜吉祔園山之舊制報彌月之至慈創鉅之痛滋深攀號之懷靡及而有司危且元宰繕儀奉池畧以必神歷

都畿而成道九重慰霜露之感二陵無風雨之虞物有其容禮終乎
事自祖載之始至廟祭之初靈休洽和中外竭力念惟往還之所咸
備供億之勞旁及隣封亦貴率役刑有從於重典賦亦復其常科因
明孝感之心以敦風俗之化應西京云云於殿奉視之志哀切於終
大及物之恩澤皇於厚下繫乃官守體此矜寬冀惠訓之不忘俾黎
民之受賜布告遐邇知朕意焉

莊惠皇太后祔廟畢曲赦兩京德音慶曆五年閏五月壬子

門下朕欽永寶訓嗣守慶基洽悼叙於人倫務誕隆於化本莊惠皇
太后在河表德逮下均仁資柔範之徽明協宣內治膺先朝之顧託
保佑菲躬禮命方崇僊遊遽迫懷慈義而思報增服紀以盡誠歸祔
數林送終而云畢升尊嫜廟昭享以有嚴昏罕弼敷猷樞臣將命攸
司庀職執事翰勤載念都畿暨於近郊惟輜車之經歷煩頓舍之供

須式恢及物之仁特舉推恩之典應兩京云云於戲復土之制奉園
寢以從宜灑澤之祭順陽春而布惠洽爾中外體朕意焉

今禮官議升配三后詔慶曆五年閏五月壬子

朕有事于太廟格于奉慈每懷保育之仁俛若見乎其位惟時禘祫
之祭未升昭穆之序禮久不講心靡違寧恭惟章獻皇后輔佑先帝
母儀道備實荷顧託恭次萬機勤勞十年助成大業章懿皇太后徽
柔靜恭思勉法度受帝之祐萬生冲眇永錫景祚啟茲靈長章惠太
后肅雍思齊閭掖攸憲率正內職惟德之行矧是非躬實賴撫護三
后厥代多歷年所肆饋合食猶隔闕宮有司不時討論使國有闕典
朕甚懼焉其令禮官爰稽古籍議升配之禮中書門下審加詳考以
稱朕意

宋朝大詔令集卷第一百三十八